

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

Ո Ր Ո Շ ՈՒ Մ թիվ -254

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«30» օգոստոսի 2023թ.

ք. Երևան

Ես՝ ՀՀ պետական եկամուտների կոմիտեի իրավաբանական վարչության ղեկավար Արման Մնացականյանս, քննելով՝ Ղազախստանի Հանրապետության քաղաքացի Ժազիրա Ժոնելբակայի (Անձնագիր՝ N13733223, հասցե՝ ՀՀ, ք. Ալմաթա, Ակտո շրջան, փողոց 13, բն. 59) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Չ Ե Ց Ի՝

ՀՀ ՊԵԿ Արևմտյան մաքսատուն-վարչության աշխատակիցները 2023 թվականի մայիսի 21-ին «ԱՄՕ» ՓԲ ընկերության «Զվարթնոց» օդանավակայանի ուղևորային մաքսային հսկողության գոտում անձնական զննման են ենթարկել Ստամբուլ-Երևան «PC 550» համարի չվերթով Թուրքիայից ՀՀ Ժամանած և «կանաչ ուղի» մուտք գործած Ղազախստանի Հանրապետության քաղաքացի Ժազիրա Ժոնելբակային: ՊԵԿ Արևմտյան մաքսատուն-վարչության ՈԻՄՀ բաժնի մաքսային ծառայողները մաքսային զննում իրականացնելու նպատակով վերջինիս ուղեկցել են «կարմիր ուղու» գոտի, որտեղ զննում իրականացնելու արդյունքում քաղաքացու ձեռքի ուղեբեռում հայտնաբերվել է 153 գրամ ընդհանուր քաշով տարբեր տեսակի զարդեր:

Փաստի առթիվ ՂՀ քաղաքացի Ժազիրա Ժոնելբակայի նկատմամբ «Մաքսային կարգավորման մասին օրենքի» ՀՀ օրենքի 316-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ ապրանքը, որպես անմիջական իրավախախտման օբյեկտ վերցվել և կնքվել է թիվ RA507052 համարի կնիքով և ի պահ է հանձնվել «Զվարթնոց» օդանավակայանի ուղևորային մաքսային հսկողության պահեստում:

Վերոնշյալ ոսկյա զարդերի շուկայական արժեքը 2023 թվականի մայիսի 21-ի դրությամբ որոշելու համար՝ 06.06.2023թ. նշանակվել է նյութագիտական և ապրանքագիտական համալիր փորձաքննություն, որի կատարումը հանձնարարվել է ՀՀ «Փորձաքննությունների ազգային բյուրո» պետական ոչ առևտրային կազմակերպության փորձագետին:

21.07.2023 թվականին կայացված որոշմամբ վարչական վարույթի ժամկետը երկարաձգվել է մինչև փորձագիտական եզրակացություն ստանալը:

ՀՀ «Փորձաքննությունների ազգային բյուրո» պետական ոչ առևտրային կազմակերպության փորձագետի 07.08.2023թ. թիվ 23-0108Պ եզրակացության համաձայն՝ փորձաքննությանը ներկայացված վերոնշյալ ոսկյա զարդերի շուկայական արժեքը 2023 թվականի մայիսի 21-ի դրությամբ մինիմալ արժեքներով քարերի դեպքում կարող էր կազմել 2 706 000 ՀՀ դրամ, իսկ մաքսիմալ արժեքի դեպքում կարող էր կազմել 10 204 000 ՀՀ դրամ:

Պարզելու համար, թե որքան է կազմել վերոնշյալ զարդերի մաքսային արժեքը՝ 17.08.2023թ. գրությամբ հարցում է կատարվել ՀՀ ՊԵԿ Մաքսային հսկողության վարչություն, որտեղից ստացված 22.08.2023թ. պատասխան գրության համաձայն՝ 2023թ. մայիսի 21-ի դրությամբ վերոնշյալ ոսկյա զարդերի մինիմալ մաքսային արժեքը կկազմի՝ 2 049 938 ՀՀ դրամ, որից մաքսատուրք՝ 204 994 ՀՀ դրամ, իսկ ԱԱՀ՝ 450 986 ՀՀ դրամ, իսկ մաքսիմալ

մաքսային արժեքը կկգամի՝ 7 730 071 ՀՀ դրամ, որից մաքսատուրք՝ 773007 ՀՀ դրամ, իսկ ԱԱՀ՝ 1 700 616 ՀՀ դրամ: Միաժամանակ հայտնվել է, որ նշված ապրանքի ներմուծման դեպքում առաջանում է ոչ սակագնային կարգավորման միջոցների կիրառում:

«Վարչարարության հիմունքների և վարչական վարույթի մասին» ՀՀ օրենքի օրենսգրքի 43-րդ հոդվածի 1-ին մասի 2-րդ կետի համաձայն՝ անձի և վարչական մարմնի փոխհարաբերություններում ապացուցման պարտականությունը կրում է վարչական մարմինը՝ անձի համար անբարենպաստ փաստական հանգամանքների առկայության դեպքում:

Տվյալ դեպքում ոսկյա զարդերի մաքսային արժեքը որոշելիս հիմք է ընդունվել մաքսային արժեքի նվազագույն չափը, քանի որ փորձաքննությամբ հաշվարկվել են քարերի առկա քանակին և չափերին համապատասխան անգույն թափանցիկ քարերի առավել հավանական տեսակների միջին շուկայական արժեքները և հնարավոր չի եղել պարզելու քարերի տարբերակիչ բնութագրերը (քարի տեսակ, հղկվածություն, գույն, մաքրություն և այլն):

ԵԱՏՄ մաքսային օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Միաժամանակ հայտարարագրումն իրականացվում է գրավոր կամ էլեկտրոնային եղանակով:

ԵԱՏՄ մաքսային օրենսգրքի 83-րդ հոդվածի համաձայն՝ որպես մաքսային ընթացակարգով ձևակերպվող ապրանքների հայտարարատուներ կարող են հանդես գալ անդամ պետության անձը, որն ունի ապրանքների տիրապետման, օգտագործման և (կամ) տնօրինման իրավունք, եթե ապրանքերը միության մաքսային սահմանով տեղափոխվում են այն գործարքի շրջանակներից դուրս, որի կողմերից մեկն օտարերկրյա անձ է:

ԵԱՏՄ մաքսային օրենսգրքի 84-րդ հոդվածի համաձայն՝ Հայտարարատուն պարտավոր է՝ կատարել ապրանքների մաքսային հայտարարագրում. սույն Օրենսգրքով նախատեսված դեպքերում մաքսային մարմին ներկայացնել մաքսային հայտարարագրում ներկայացված տեղեկությունները հաստատող փաստաթղթեր. ներկայացնել հայտարարագրվող ապրանքները՝ սույն Օրենսգրքով նախատեսված դեպքերում կամ մաքսային մարմնի պահանջով. վճարել մաքսային վճարները, հատուկ, հակազնազցման, փոխհատուցման տուրքերը և (կամ) ապահովել դրանց վճարման պարտավորության կատարումը՝ սույն Օրենսգրքին համապատասխան: Նույն հոդվածի 3-րդ կետի համաձայն՝ Հայտարարատուն, անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

ԵԱՏՄ մաքսային օրենսգրքի 2-րդ հոդվածի 10-րդ կետի համաձայն՝ «արգելքներն ու սահմանափակումներն»՝ Միության մաքսային սահմանով տեղափոխվող ապրանքների նկատմամբ կիրառվող ոչ սակագնային կարգավորման միջոցներ են:

«Եվրասիական տնտեսական միության մասին» պայմանագրի 46-րդ հոդվածով սահմանված են ոչ սակագնային կարգավորման միջոցները, այն է. «Երրորդ երկրների հետ առևտրում Միության կողմից ընդունվում են ոչ սակագնային կարգավորման հետևյալ միջոցները՝ 1) ապրանքների ներմուծման և (կամ) արտահանման արգելք, 2) ապրանքների ներմուծման և (կամ) արտահանման քանակական սահմանափակումներ, 3) ապրանքների ներմուծման և (կամ) արտահանման բացառիկ իրավունք, 4) ապրանքների ներմուծման և (կամ)

արտահանման ավտոմատ լիցենզավորում (հսկում), 5) ապրանքների ներմուծման և (կամ) արտահանման թույլատրական կարգ: «Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 316-րդ հոդվածի 4-րդ պարբերության համաձայն՝ ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որն առաջացնում է ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների և տրանսպորտային միջոցների մաքսային արժեքի քսան տոկոսի չափով, բայց ոչ պակաս, քան երեսուն հազար դրամի չափով:

Սահմանային էլեկտրոնային կառավարման տեղեկատվական համակարգի ուսումնասիրությունից պարզվել է, որ Ժազիրա Ժոնելբաևան 2023 թվականի մայիսի 25-ի ժամը 23:23 ռոպեին դուրս է եկել ՀՀ-ից և այլևս չի վերադարձել ՀՀ:

ՂՀ քաղաքացի Ժազիրա Ժոնելբաևան 2023 թվականի օգոստոսի 30-ին հրավիրվել է ՀՀ ՊԵԿ իրավաբանական վարչություն՝ իր նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն «Մաքսային կարգավորման մասին» ՀՀ օրենքի 332-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն վերջինս չի ներկայացել:

Այսպիսով, նյութերով պարզվել է, որ 2023 թվականի մայիսի 21-ին Ղազախստանի Հանրապետության քաղաքացի Ժազիրա Ժոնելբաևան ՀՀ մաքսային սահմանով առանց հայտարարագրման տեղափոխել է 2 706 000 ՀՀ դրամ մաքսային արժեքով 153 գրամ ընդհանուր քաշով ոսկյա զարդ (որի 20%-ը կազմում է 541 200 ՀՀ դրամ), որն առաջացնում է ոչ սակագնային կարգավորման միջոցների չկիրառում, այսինքն՝ վերջինս թույլ է տվել «Մաքսային կարգավորման մասին» ՀՀ օրենքի 316-րդ հոդվածի 4-րդ պարբերությամբ նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, 21.05.2022թ թվականի մաքսային զննման թիվ

112 ակտով, ՀՀ «Փորձաքննությունների ազգային բյուրո» պետական ոչ առևտրային կազմակերպության փորձագետի 07.08.2023թ. թիվ 23-0108Պ եզրակացությամբ և ՊԵԿ մաքսային հսկողության վարչության 22.08"2023թ գրությամբ:

Հիմք ընդունելով «Մաքսային կարգավորման մասին» ՀՀ օրենքի 316-րդ, 334-րդ, 335-րդ հոդվածները.

Ո Ր Ո Շ Ե Ց Ի՝

1. Ժազիրա Ժոնելբաևային ճանաչել զանցառու «Մաքսային կարգավորման մասին» ՀՀ օրենքի 316-հոդվածի 4-րդ մասով և նրան տուգանել չհայտարարագրված 153 գրամ քաշով ոսկյա զարդերի մաքսային արժեքի քսան տոկոսի չափով՝ 541 200 ՀՀ դրամ:

2. Որոշման մասին հայտնել Ժ.Ժոնելբաևային՝ պարզաբանելով, որ ՀՀ մաքսային կարգավորման մասին օրենքի 334-րդ հոդվածի 2-րդ կետի համաձայն՝ որոշումն ուժի մեջ է մտնում կայացման պահից, իսկ նույն հոդվածի 4-րդ կետի համաձայն՝ որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով՝ 2 ամսվա ընթացքում:


ՀՀ պետական եկամուտների կոմիտեի իրավաբանական վարչություն

(ստորաբաժանման անվանումը)

Ղեկավար՝

Արման Մնացականյան

(անուն, ազգանուն)



(ստորագրություն)

Որոշման օրինակը՝ _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

«__» _____
(որոշման օրինակի ստացման ամսաթիվը)

20__ թ.

Ծանոթություն. Սույն որոշմամբ նշանակված ցուցման գումարը ենթակա է վճարման Կենտրոնական գանձապետարանի №900005024055 հաշվեհամարին _19_ ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կատարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: